




ASOCIJACIJA ZA UVMJETNIČKU FOTOGRAFIJU BIH  
**FOTO KLUB GRAČANICA**

## Ahmet Hukić : Makrofotografija



*BKC Gračanica  
Gračanica, novembar 2018.*



"Ahmet Hukić već godinama prolazi stazama i vrletima Bosne i Hercegovine i svih zemalja u našem okruženju, ispisujući objektivom svoje kamere pohvalu ljestvici svega stvorenoga, fokusirajući svoju pažnju osobito na mala pernata stvorenja, naše prijatelje što se tako uspješno odupiru zemljinoj teži, stremeći visinama; život provode u borbi za opstanak, brizi za obitelj, ali i u igri i pjesmi ... A mi ih, diveći im se, samo rijetko uspijevamo u svemu tome dostići, slijediti....."

*Vesna Šlavaček, Mostar*

"Ako bi se iz toga mnoštva trebala opredijeliti za ono što radi naš Ahmet Hukić onda je to za mene umjetnička i iskrena fotografija. Svoje, da ga tako nazovemo, crtanje pomoću svjetla, gospodin Hukić radi na način koji je davno prerastao tehničke zahtjeve i njegove fotografije možemo s pravom smatrati ogledalom ljestvici. A za fotografa možda i jeste veoma bitno na koji način se gleda i doživljava sve oko sebe. Jer ta inspirativna energija, koja se prema nama emanira na ovim fotografijama možda govori više od hiljadu riječi. Počesto sam sklona reći da stvaralački imperativ pobjeđuje sve prepreke koje nam postavljaju ili nameću okolnosti. Stvaralaštvo Ahmeta Hukića lako ruši sve barijere....."

*prof. Alma Fazlić Obad, Mostar*

"Ahmet Hukić, Tuzla, fotograf velikog iskustva i tehničkih znanja, sasvim jasnih i preciznih namjera i interesovanja, poznate motive donosi s vanrednom preciznošću i bez pardona, kao na najboljim razglednicama koje smo vidjeli / Ljubljana, Stari Most, Vatikansko stubište/. Izrazito je naklonjen otkrivanju tajni životinjskog svijeta i dubini smisla čovjekovog usuda u različitim situacijama /ptice, Procesija/, jer je vrstan promatrač, a osim toga, nikad ne napušta visoke tehničke zahtjeve suvremenog fotografskog zahvata, do kojih perfekcionistički drži.

*Atif Kujundžić, Tuzla*

Putujući svijetom, ali i prirodom i svojim životom, Hukić se izvještio u nečemu što je, blago rečeno, originalnost. Manje blago, ali zato tačnije rečeno to je autentična vizija umjetničkog fotografskog ovjekovječenja, kome njegovo oko nije htjelo i moglo odoljeti, ali i čime nas i same tjera da ne odolimo onome što je odabralo.

*Natko Dukić, Tuzla*

# Ahmet Hukić

Ahmet Hukić se fotografijom kao hobijem počeo baviti još u srednjoškolskim danima, a afinitet ka umjetničkoj i izlagačkoj fotografiji stekao je posljednjih petnaestak godina. Ljubitelj je prirode i putovanja, te je fotoaparat je neizostavan pratilac na svim putovanjima.



Uža specijalnost mu je fotografisanje ptica, ali se u njegovom opusu se mogu naći i fotografije prirode i interesantnih arhitektonskih objekata. U posljednje vrijeme fokus svog aparata usmjerio je ka makro fotografiji. Do sada je organizovao trinaest samostalnih izložbi fotografija, koje su održane u Tuzli, Gornjem Vakufu i Mostaru. Više od 130 njegovih različitih fotografija su primljeni na 165 izložbi fotografija održanih u Bosni i Hercegovini i širom planete, od Evrope i Azije, do Australije i Amerike. Za svoja dostignuća u fotografiji dodijeljena mu je titula Majstor fotografije Asocijacije za umjetničku fotografiju Bosne i Hercegovine, kao i počasno fotografsko zvanje EFIAP (Excellence FIAP) Međunarodne federacije za umjetničku fotografiju.

Izložba makro fotografije, kao novi dio njegovog fotografskog opusa, doživljava premjeru kroz njegovu četrnaestu izložbu fotografija.



443 SIF 2018

ASOCIJACIJA ZA UMJETNIČKU FOTOGRAFIJU U BiH

FOTO KLUB GRAČANICA

SAMOSTALNA IZLOŽBA FOTOGRAFIJA

AHMET HUKIĆ

"MAKFOTOGRAFIJA"

BOSANSKI KULTURNI CENTAR GRAČANICA

novembar 2018.

